

OŠ „Vuk Karadžić“

Ljetopis

2020 / 2021.

„Što je zapisano ostaje, a što je pamti iščezne.“

Mula Mustafa Bašeskija

„Ono što nije zapisano, i ne postoji...“

Meša Selimović

Ljetopis je granična književna forma koja ima historijski karakter. U ljetopisu se događaji bilježe hronološkim redom i daje se kratak opis značajnih događaja u jednom vremenskom periodu. Savremeni ljetopisi obogaćeni su fotografijama.

Ljetopisi škole su zapisi koje pišu učitelji, nastavnici, bibliotekari i saradnici škole. Kao pisani dokument, koriste se kao historijska i kulturna građa, dokumentirajući tragove rada i života škole u određenoj prošlosti.

Prema članu 52. Zakona o osnovnom i srednjem obrazovanju („Službeni glasnik RS“ 55/2013): **„Škola je dužna da vodi letopis za svaku školsku godinu.“**

Pred vama je elektronski ljetopis OŠ „Vuk Karadžić“ za školsku 2020./2021. godinu. O vrijednosti ove publikacije najbolje svjedoči njen sadržaj koji predstavlja riznicu podataka o aktivnostima škole i obrazovno-vaspitnom radu, kao i o pravima i dužnostima učenika, pravilima ponašanja, kućnom redu i drugim informacijama od značaja za predstavljanje škole!

Pri čitanju njegovih stranica gledaj srcem jer ćes jedino tako uvidjeti količinu ljubavi koja poput neprekidne niti teče od prvog do poslednjeg učenika, pa svaku prepreku čini lahkog a svaki uspjeh razlogom za zajedničku radost.

31. 8. 2020.

DOBRO NAM DOŠLI, ĐACI PRVACI!

Svečani prijem đaka prvaka u OŠ „Vuk Karadžić“ održan je **ponedeljak 31. 8. 2020. godine**. Priroda ovog i prethodnih prijema razlikovala se, prije svega, zbog obaveze poštovanja propisanih mera.



Naše drage prvake i članove njihovih porodica s radošću su dočekali direktorica škole, psiholog i pedagog škole, kao i učitelji koji će mališanima pomoći da hrabro zakorače u svijet obrazovanja. Đačko doba, najlepše razdoblje života, započinje 110 đaka raspoređenih u četiri odeljenja matične škole i jednom izdvojenom. Kapetani ove posade su učitelji: *Asifa Grgić, Rade Stašević, Timka Bakić, Nadica Stašević i Gordana Pantelić*.

Sadeta Nasufović, direktorica škole, zahvalila se roditeljima na ukazanom povjerenju pri odabiru škole, a prvacima poželeta dobrodošlicu i sretan početak ovog puta koji nosi najviše životne vrijednosti – znanje. Zatim je uslijedila prozivka učenika, upoznavanje sa učiteljima i drugarima, kao i obilazak škole.



31. 8. 2020.

U SUSRET PETACIMA

Poslednjeg avgustovskog dana razredni starešine dočekali su svoje đake petake i njihove roditelje. Prijem je organizovan u školskom dvorištu, sa početkom u 12h. U cilju čuvanja zdravlja poštovale su se sve mjere Kriznog štaba.

U matičnoj školi formirana su četiri odeljenja petog razreda, a u Dubovu jedno. Po odluci i izjašnjavanju roditelja đaka petaka za učenike V-1, V-2 i V-4 odeljenja **nastava** će teći **na bosanskom maternjem jeziku**, a učenici V-3 i V-4 slušaće nastavu na srpskom jeziku.

Kroz drugi ciklus obrazovanja ovu generaciju đaka predvodiće razredni starešine: *Sejla Hamzagić, Adisa Jakupović, Sibela Hodžić, Mihrija Ramičević i Amela Zećirović*. One su, poslije predstavljanja, izvršile prozivku učenika. Zatim je uslijedilo upoznavanje drugara iz odeljenja.

Roditelji su detaljno obaviješteni o **planu načina realizacije nastave**. Razredni starešine primat su dali temi koja se bazira na upustvima o **mjerama zaštite zdravlja učenika i zaposlenih**.

Zatim je bilo riječi o **izboru užbenika**.

Svako odeljenje dobilo je svog **predstavnika za Savjet roditelja**.

Pokrenuta je diskusija o načinu komunikacije i saradnje u budućem periodu.

Petaci su čuli imena predmetnih nastavnika i dobili raspored časova za naredni period.

S E P T E M B A R

3. 9. 2020. – *BNV doniralo udžbeničke complete prvacima naše škole*

3. 9. 2020. – *Prva sjednica Odeljenjskog vijeća trećeg razreda*

4. 9. 2020. – *Roditeljski sastanak*

9. 9. 2020. – *Prva sjednica Tima za vođenje sajta i ljetopisa škole*

10. 9. 2020. – *Druga sjednica Tima za estetsko uređenje škole*

15. 9. 2020. – *Besplatni udžbenici učenicima iz socijalno ugroženih porodica*

23. 9. 2020. – *Ispraćaj u penziju kolege Hakije Hadžića*

24. 9. 2020. – *Obuka za primjenu standarda postignuća za kraj prvog ciklusa*

25. 9. 2020. – *Obilježavanje Dana evropskih jezika*

25. 9. 2020. – *Prva sjednica Tima za zdrstvenu zaštitu učenika*

28. 9. 2020. – *Donacija fondacije „Zajedno do cilja“ – aparat za beskontaktno pranje ruku*

28. 9. 2020. – *Sjednica Nastavničkog vijeća*

30. 9. 2020. – *Izrada modela čelije od plastelina*

3. 9. 2020.

DONACIJA BNV-a – UDŽBENIČKI KOMPLETI

Bošnjačko nacionalno vijeće danas je učenicima naše škole koji upisuju prvi razred, u školskoj 2020/2021. god., u nastavi na bosanskom jeziku uručilo besplatne užbenike. Udžbenici za prvake su donacija Republike Turske koji su odobreni na inicijativu Vijeća. Projekat je dio dugogodišnjeg programa BNV-a usmjerenog na poboljšanje i promovisanje nastave na maternjem jeziku Bošnjaka.



Ova donacija značiće mnogo za porodice prvaka na teritoriji naše opštine. Olakšaće život svakog roditelja čije dijte započinje osmogodišnje školovanje, prije svega, zbog stanja koje je rezultat posledica epidemije izazvane Korona virusom.



3. 9. 2020.

PRVA SJEDNICA ODELJENJSKOG VIJEĆA III RAZREDA

Sjednica Odeljenjskog vijeća trećeg razreda održana je 3. 9. 2020. godine, po sljedećem dnevnom redu:

- 1. Usvajanje programa rada OV;**
- 2. Usaglašavanje godišnjih i operativnih planova za školsku 2020/2021. godinu;**
- 3. Izrada testova za inicijalno testiranje;**
- 4. Utvrđivanje brojnog stanja učenika po odeljenjima na početku školske godine;**
- 5. Snabedevenost učenika udžbenicima i školskim priborom;**
- 6. Održavanje roditeljskog sastanka i planiranje saradnje sa roditeljima;**
- 7. Razno.**

Sjednica je protekla po ustaljenom redu. Svaka tačka dnevnog reda detaljno je analizirana. Vodila se polemika o prijedlozima predsjednika vijeća, kao i prijedlozima ostalih. Osim članova Vijeća, sjednici je prisustvovao i pedagog škole.

- Program rada OV jednoglasno je usvojen.
- Podijeljena su zaduženja za izradu planova rada redovne nastave i vannastavnih aktivnosti.
- Inicijalni testovi su sastavljeni i usaglašeni tako da sadrže sva tri nivoa znanja.
- Utvrđeno je brojno stanje učenika po odeljenjima.
- Neki učenici će dobiti udžbenike po socijalnom programu, ostali će dobiti savjet i obavještenje koji su im udžbenici potrebni.
- Roditeljski sastanak je zakazan 4. 9. 2020. god.
- Pod tačkom razno bilo je riječi o samom rasporedu časova i realizaciji nastave.

4. 9. 2020.

RODITELJSKI SASTANAK

Prvi roditeljski sastanak školske 2020/2021. godine za mlađe razrede započeo je u 11:30h, a za starije u 12h. Ovaj sastanak bio je drugačije prirode od dosadašnjih jer su se morale poštovati sve mjere Kriznog štaba.

Na sastanku je bilo riječi o udžbenicima, načinu realizacije nastave i izboru člana za Savjet roditelja. Roditelji su posebno upoznati sa planom realizacije nastave čija je početna tačka podjela učenika jednog odeljenja u dvije grupe, koje će neizmjenično pratiti nastavu iz učionice i online nastavu.

9. 9. 2020.

PRVA SJEDNICA TIMA ZA VOĐENJE SAJTA I LJETOPISA ŠKOLE

Škola prezentuje svoje aktivnosti putem sredstava javnog informisanja. Pre svega ostavaruje se saradnja sa lokalnom televizijom. Program školskog marketinga podrazumeva vođenje školskog sajta i blagovremeno informisanje i obaveštavanje učenika, roditelja i saradnika u lokalnoj sredini, kao i izradu Ljetopisa škole.

Tim čine sledeći članovi:

1. **Sibela Hodžić**, profesor bosanskog i srpskog jezika;
2. **Sajma Hodžić**, profesor informatike.

Na prvoj sednici članovi su usvojili plan rada i definisali najbitnije ciljeve i zadatke, kao što su:

- praćenje i izveštavanje o aktivnostima organizovanim u školi i aktivnostima van ustanove u kojim škola učestvuje,
- saradnja sa svim timovima i stručnim vijećima i izveštavanje o njihovim aktivnostima,
- izrada ljetopisa i ažuriranje sajta škole.

10. 9. 2020.

DRUGA SJEDNICA TIMA ZA ESTETSKO UREĐENJE ŠKOLE

Svi članovi ovog tima su prisustvovali sjednici. Tim čine članovi iz reda nastavnika, a to su:

Jasmina Omerović – koordinator tima, nastavnica likovne kulture,

Enver Zukorlić – nastavnik likovne kulture,

Dženana Šaljić – nastavnica muzičke kulture,

Danica Mehmedović – nastavnica engleskog jezika,

Ajsela Manić – nastavnica engleskog jezika.

Dnevni red sjednice:

- 1. Uređenje učionica – dekoracija zidnih površina**
- 2. Priprema plakata i likovnih radova**
- 3. Razno**

Pregled rada:

Koordinator Tima je upoznao članove o svakoj tački dnevnog reda. Bilo je govora o pripremama ilustracija sa novim motivima, prepreke postojećih motiva i opremanje likovnih radova za izložbu, a sve sa ciljem da prostor škole pozitivno deluje na nove đake.

Također, nastavnice engleskog jezika dale su prijedlog o tome koji radovi učenika na hamer papirima, iz oblasti stranog jezika, bi trebali krasiti zidove naše škole.

Planirano je i uređivanje učionica u isturenim odeljenjima kao što su Dubovo, Biohane, Bovanj, Crniš...

15. 9. 2020.

BESPLATNI UDŽBENICI

Ministarstvo prosvjete, nauke i tehnološkog razvoja i ove godine je realizovalo projekat *Nabavka udžbenika i drugih nastavnih sredstava za učenike osnovnih škola u školskoj 2020/2021. godini*. Danas su udžbenici podijeljeni učenicima u OŠ „Vuk Karadžić“ u Tutinu.

Pravo na besplatne udžbenike imali su učenici iz socijalno ugroženih porodica, kao i oni koji su treće ili svako naredno dijete u porodici.

23. 9. 2020.

DOSTOJANSTVEN ISPRAĆAJ U PENZIJU

KOLEGE HAKIJE HADŽIĆA

Povodom odlaska u penziju nastavnika biologije i pomoćnika direktorice Hakije Hadžića upriličeno je druženje i svječani ručak, gdje se okupio dio kolektiva OŠ „Vuk Karadžić“.

Sadeta Nasufović, direktorica škole, vrlo emotivnim govorom zahvalila se kolegi na nesebičnom zalaganju u nastavi i unapređivanju nastavnog procesa kroz desetine generacija koje je ispratio kroz svoj rad u prosvjeti.



24. 9. 2020.

OBUKA ZA PRIMJENU STANDARDA POSTIGNUĆA ZA KRAJ PRVOG CIKLUSA ZA BOSANSKI JEZIK I KNJIŽEVNOST

Profesori razredne nastave, zaposleni u našoj školi, 24. 9. 2020. godine učestvovali su u još jednom procesu profesionalnog usavršavanja. Naime, Bošnjačko nacionalno vijeće u saradnji sa Ministarstvom prosvjete, nauke i tehnološkog razvoja i Zavodom za vrednovanje obrazovanja i odgoja iz Beograda organizovalo je obuku čija su ciljna grupa nastavnici koji ostvaruju programe nastave i učenja na bosanskom jeziku u prvom ciklusu osnovnog obrazovanja i odgoja.

Obuka je održana u prostorijama glavnog ureda BNV-a i odnosila se na primjenu standard postignuća za kraj prvog ciklusa za bosanski jezik i književnost. Učesnici su dobili uvjerenje o savladanom program (8 bodova).

Program su realizovale profesorice razredne nastave Sanela Međedović i Adela Melajac, a koordinator cjelokupnog programa jeste prof. dr. Sead Šemsović.



Obuku su savladale sljedeće kolege: Senad Đerlek, Almir Čolović, Grozdana Pantelić, Milena Palamarević, Indira Ljaić, Atifa Bajrović, Jasmina Krkušić i Enisa Hadžić.

25. 9. 2020.

PRVA SJEDNICA TIMA ZA ZDRSTVENU ZAŠTITU UČENIKA

Tim za zdrastvenu zaštitu učenika čine sledeći članovi:

Melisa Curić – koordinator tima, nastavnica biologije, **Zilha Demović** – natsavnica biologije, **Hasib Hamidović** – nastavnik fizičkog vaspitanja, **Nermina Sejdović** – professor razredne nastave, **Jasmina Krkušić** – professor razredne nastave i **Enisa Hamzagić** – nastavnica engleskog jezika.

Za ovu sjednicu usvojen je sledeći **dnevni red**:

1. *Sticanje znanja, umenja, stavova i vrednosti u cilju očuvanja i unapređenja zdravlja.*
2. *Praćenje sistematskih pregleda I i III razred.*
3. *Praćenje redovne vakcinacije dece I razreda.*
4. *Svijest o sličnostima i razlikama naših akcija, osjećanja i izgleda. Evidentiranje promena u razvoju, formiranje kulturnog identiteta,*
5. *Pronalaženje načina za prevazilaženje psiholoških problema.*
6. *Praćenje epidemiološke situacije u školi.*

Tim za zdravstvenu zaštitu učenika održao je sastanak 25.09.2020. u 13h na kome su diskutovane gore navedene tačke dnevnog reda. Ustanovljeno je da je 10.09.2020. god. Dom zdravlja započeo redovne sistematske preglede za učenike I razreda. Sistematski pregledi se obavljaju u dve ekipe jedan pedijatar i jedna medicinska sestra. Takođe, je ustanovljeno da je 10.09.2020. god. Dom zdravlja započeo redovne sistematske preglede i za učenike III razreda.

Sistematski pregledi su se takođe, obavljali u dve ekipe jedan pedijatar i jedna medicinska sestra. Tokom sistematskih pregleda pedijatri su pratili težinu, visinu, posmatrali su psihosomatski razvoj dece. Ukoliko se ukazala potreba učenici bi se upućivali kod otorinolaringologa, oftamologa, u laboratoriju, na rengen.... Tokom meseca se uz redovnu nastavu učenicima uz pomoć pedagoške službe pomagalo da učenici podignu svijest o sticanje znanja, umenja, stavova i vrednosti u cilju očuvanja i unapređenja zdravlja. Uz pomoć školskog psihologa i pedijatrijske

službe sa učenicima viših razreda se razgovaralo o svijesti u sličnostima i razlikama naših akcija, osećanjima i izgledu, evidentirane su promene u razvoju, formiranju kulturnog identiteta. Razgovaralo se o pronalaženju načina za prevazilaženje psiholoških problema. Sistematski pregledi su obavljeni u periodu od 10.09.2020. do 20.09.2020.

Nakon toga se ustanovilo da su tokom septembra učenici I razreda upućeni na vakcinaciju u prostorijama Doma zdravlja.

Za ovaj uzrast predviđeno je da učenici prime:

MMR vakcinu – vakcina je namenjena protiv morbila malih boginja.

Diteal vakcinu – vakcina je namenjena protiv tetanusa, zauška, infekcija grla i urinarnog trakta.

Polio vakcinu – Vakcina se pije po dve kapi i namenjena je za dječiju paralizu.

Zaključak :

Kroz analizu dosadašnjih aktivnosti zaključeno je da su svi učenici I i III razreda prošli kroz sistematske preglede i da su pojedini učenici prema potrebi upućeni na dalja ispitivanja. Takođe je zaključeno da su se učenici I razreda tokom septembra vakcinisali vakcinama MMR, Diteal i Polio vakcinom.

Takođe je zaključeno da se u školi poštuju sve epidemiološke mjere i da za ovaj period nije registrovan nijedan slučaj sa virusom Covid 19.

25. 9. 2020.

OBILJEŽEN EVROPSKI DAN JEZIKA



U osnovnoj školi „Vuk Karadžić“ tradicionalno je obilježen Dan evropskih jezika. Učenicima su sadržaj prezentovali učenici osmog razreda i nastavnice njemačkog jezika Adisa Jakupović i Elzana Hot.

Čas su ispunili razgovori o historiji, značaju i najboljim metodama učenja stranih jezika.

28. 9. 2020.

DONACIJA FONDACIJE „ZAJEDNO DO CILJA“–APARAT ZA BESKONTAKTNO PRANJE RUKU

Fondacija „Zajedno do cilja“ danas je naše mališane obradovala aparatom za beskontaktno pranje ruku. Njeni predstavnici još jednom dokazuju da su humanost i dobrota neiscrpni resursi.

Aparat je posebno učenicima potreban u ovom periodu kada moramo higijenu ruku pojačati do najvećeg nivoa, pa tako onemogućiti virusu da prodre do nas. Najbolji način da brinemo o drugima je taj da prvenstveno vodimo brigu o sebi i svom zdravlju.

Učenicima su date smjernice kako da koriste aparat.

ČISTE RUKE BEZ POMUKE!

28. 9. 2020.

SJEDNICA NASTAVNIČKOG VIJEĆA

Sjednica nastavničkog vijeća održana je 28. 9. 2020. godine sa početkom u 18h. Bilo je riječi o realizacije nastave u mjesecu septembru, online nastavi, gugl učionicama i preloženi su i odabrani članovi školskog odbora u svojstvu predstavnika zaposlenih OŠ „Vuk Karadžić“.

30. 9. 2020.

MODEL ĆELIJE OD PLASTELINA

„Ćelija je osnovna jedinica građe i funkcije svih živih bića“ – definicija je koje se i danas svi odlično sjećamo. Međutim, učenici naše škole ne uče samo suhoparnu teoriju već imaju detaljno osmišljene praktične časove i radionice koje im pomažu da lakše shvate oblasti gradiva koje se uči.

Na redovnom času biologije učenici šestog razreda, uz pomoć nastavnice Nerkese Dreković , pravili su model životinjske ćelije od plastelina i drugih materijala kako bi utvrdili svoje znanje na kreativan način. Radovi su izloženi u učionici.



O K T O B A R

5. 10. – 11. 10. 2020. - *Obilježavanje Djecije nedelje*

5. 10. 2020. – *Druga sjednica Tima za estetsko uređenje škole*

9. 10. 2020. - *Prva sjednica Učeničkog parlamenta*

12. 10. 2020. – *Druga sjednica Učeničkog parlamenta*

13.10. 2020. - *Druga sjednica Tima za međupredmetnu kompetenciju*

14. 10. 2020. - *Projektna nastava – Kartonske kutije*

16.10.2020. - *Posjeta Festivalu nauke*

20. 10. 2020. – *Snalaženje u prostoru i primena micro-bit-a*

27. 10. 2020. – *Sjednica Tima za zaštitu učenika od diskriminacije, nasilja, zlostavljanja i zanemarivanja*

29. 10. 2020. – *Ćelija u očima petaka*

30. 10. 2020. – *Druga sjednica Tima za zdrstvenu zaštitu*

5. 10. 2020. – 11. 10. 2020.

DJEĆIJA NEDELJA

Prva nedelja mjeseca oktobra u cijelom svijetu, kao i u Srbiji, posvjećena je najmlađima. Ove godine ona se obilježava od 5. do 11. oktobra pod sloganom *Podijeljena sreća dva puta je veća*. Zbog epidemioloških mjera učenici naše skole organizovali su nedelju na malo drugačiji način.

Dječija nedelja u odeljenju IV – 4 OŠ „Vuk Karadžić“ u Tutinu obilježena je kroz različite aktivnosti.

- Učenici su dostavili **literartne radove** na temu **JESEN**. Takođe, različitim **slikarskim tehnikama** dočarali su ovu temu i napravili *odeljenski pano*.



- Održana je i radionica na temu **Svi smo različiti i imamo ista prava**. Kroz likovne crteže učenici su na odeljenskom panou predstavili i ovu temu.



5. 10. 2020.

DRUGA SJEDNICA TIMA ZA ESTETSKO UREĐENJE ŠKOLE

U prostorijama škole 5. 10. 2020. godine održana je druga sjednica Tima za estetsko uređivanje škole. Sjednici su prisustvovali svi članovi tima.

Na dnevnom redu našle su se samo dvije tačke, i to:

1. *Izrada likovnih radova na određenu temu povodom Dječije nedelje, opremanje panoa u holu škole;*
2. *Razno.*

Među članovima tima bilo je razgovora koje je rezultiralo dogовором о креативној сарадњи и ангажовању наставника ликовне културе, одељенских старијина и ученика. Produkt ovakvog rada su kvalitetne i kreativne ideje sa vizuelnom porukom.

9. 10. 2020.

PRVA SJEDNICA UČENIČKOG PARLAMENTA

Prva sjednica Učeničkog parlamenta održana je 9. 10. 2020. god. s početkom u 13: 30h. Sjednici su prisustvovali svi članovi, kao i koordinator Nerkesa Dreković i pedagog škole Eltida Aličković.

Dnevni red bio je:

1. *Izbor članova, konstituisanje i izbor predsednika*
2. *Dogovor o daljem radu*

Na početku pedagog škole Eltida Aličković upoznala je članove sa radom i ciljevima Učeničkog parlamenta i ukazala na važnost ovog tijela za učenike, nastavnike kao i cijelu školu.

Poslije toga predloženi su članovi za predsjedništvo parlamenta. Predsjedništvo je izabrano javnim glasanjem.

Za predsednika Učeničkog parlamenta predloženi su:

1. Nazim Aličković
2. Ajla Tahirović

- Za **predsjednika** parlamenta izabran je **Nazim Aličković**.
- Zamjenik predsednika parlamenta biće Ajla Tahirović.
- Za **sekretara** izabrana je **Silma Halilović**.
- Za **blagajnika** izabrana je **Albina Numanović**.
- Za **člana Školskog odbora** izabran je **Zaim Dedeić**.

Predstavnici:

VII-1 - Erna Binjoš i Anela Dukađinac

12. 10. 2020.

DRUGA SJEDNICA TIMA UČENIČKOG PARLAMENTA

12. 10. 2020. godine održana je druga sjednica Tima učeničkog parlamenta kojoj su osim članova prisustvovali još i pedagog škole, kao i koordinator tima.

Sjednica je tekla po narednom *dnevnom redu*:

1. *Dogovor o realizaciji posete đačkog parlamenta Festivalu nauke,*
2. *Razmatranje izveštaja o ostvarivanju godišnjeg plana škole,*
3. *Razno.*

12. 10. 2020.

DRUGA SJEDNICA TIMA ZA RAZVOJ MEĐUPREDMETNIH KOMPETENCIJA

Druga sjednica Tima za razvoj međupredmetnih kompetencija i preduzetništva održana je 12. 10. 2020. god. Sjednici su prisustvovali svi članovi ovog tima, na čelu sa koordinatorom Eminom Pepić.

Dnevni red:

1. *Operacionalizacija plana*
2. *Podsticanje nastavnika da kreiraju i izvode časove koji razvijaju međupredmetne kompetencije*
3. *Razno*

Definisane su aktivnosti koje će Tim realizovati u ovoj školskoj godini i dogovorena je saradnja članova ovog tima sa ostalim timovima škole. Zbog situacije izazvane Korona virusom, mnoge aktivnosti neće moći da se održe kako je planirano.

Članovi Tima predložili su da što veći broj nastavnika naše škole prođe obuke, tj. seminare vezane za teme neđupredmetnih kompetencija i preduzetništva. Naša škola je prijavila sve učitelje, nastavnike i saradnike na obuku *Moduli obuka za razvoj jezičkih kompetencija nastavnika koji nastavu realizuju na jezicima nacionalnih manjina* koja se održava onlajn do 18. 10. 2020. god. Koordinatorica tima je ukazala na značaj te obuke.

Zbog trenutne epidemiološke situacije u svijetu i poštovanja mjera organizuje se veliki broj online seminara, pa je preporučeno članovima da prođu kroz što veći broj obuka i seminara.

Ostalih pitanja i prijedloga nije bilo.

14. 10. 2020.

KARTONSKA KUTIJA ZA OLOVKE

Učitelj Muhamed Dreković još jednom je svojim radom koji se razlikuje od tradicionalnog i ustaljenog, ali i zalaganjem za inovativne vidove nastave i prenošenja znanja dokazao da dolazi iz reda učitelja savremenog doba.



Na časovima projektne nastave njegovi učenici nisu pasivni posmatrači, već imaju ulogu aktivnih učesnika. Sigurnim korakom realizuju različite radionice i pokazuju da su naviknuti na ovakav način rada i da sa zadovoljstvom stiču nova znanja.

Učenici odeljenja II – 2 pravili su kartonske kutije za olovke na času projektne nastave. Kutije su izrađivali od ukrasnog kartona, različitih boja i različitog oblika. Od resursa u pogledu materijala korišćeni su: karton, lijepak, kolaž papir, bojice...

Osim toga što će kutije svakodnevno krasiti njihove klupe, učenici su saznali nešto više o značaju reciklaže. A da timski rad nije samo fraza dokazali su tako što su napravili i kutiju za drugaricu koja je odselila – Dinu, i ostavili je učitelju na čuvanje.

Radovi su izloženi u učionici.



16. 10. 2020.

POSJETA FESTIVALU NAUKE

Nauka je naša moć

Srednjoškolski centar grada Tutina prostor je u kojem se svakog oktobra organizuje Festival nauke. Ove godine on nosi slogan *Nauka je naša moć*.

Učenici OŠ „Vuk Karadžić“ uz pratnju razrednih starešina i predmetnih nastavnika posjetili su Festival nauke 16. 10. 2020. godine. Posjeta je protekla u znaku druženja i neizbjegnog fotografisanja brojnih eksperimenta i izuma. Učenici su bili izuzetno motivisani i zainteresovani. Pažnju su im posebno privukli izolovanja DNK, određivanje krvnih grupa, Čarobno mlijeko, posmatranje larvi pod mikroskopom, Matemagija...

Učenici su se još jednom uverili da nauka može biti izuzetno zabavna.



20. 10. 2020.

SNALAŽENJE U PROSTORU I PRIMJENA MICRO-BITA U NASTAVI



Odeljenje: **I-3**

Razredni starešina: **Rade Stašević**

Čas: **Svet oko nas**

Rade Stašević, učitelj odeljenja I-3, svoje prvačiće upoznao je sa micro-bitom i njegovim svojstvima.

Prvačići su otkrili kako se programira micro-bit



Pomoću micro-bit-a određivali su strane svijeta



Čas su nastavili u prirodi i pojedinačno određivali strane svijeta



27. 10. 2020.

SJEDNICA TIMA ZA ZAŠTITU UČENIKA OD DISKIRIMINACIJE, NASILJA, ZLOSTAVLJANJA I ZANEMARIVANJA

Članovi Tima za zaštitu učenika od diskriminacije, nasilja, zlostavljanja i zanemarivanja 27. oktobra 2020. godine održali su sastanak koji je započeo u 11h a završen je u 13h. Osim redovnih članova Tima sjednici su prisustvovali i neki od razrednih starešina. Na osnovnu detaljne analize stanja donete su odluke o vaspitno-disciplinskim postupcima i vaspitno-disciplinskim mjerama u skladu sa zakonom.

Zaključak o daljim preporukama je da je u narednom period neophodno pojačati ppreventivu, pojačati dežurstvo dežurnih nastavnika na dvorištu škole kao i uspostaviti bolju saradnju roditeljima.

29. 10. 2020.

ĐACI PETACI I MODELI ĆELIJE

Učenici petog razreda osnovne škole „Vuk Karadžić“ na časovima biologije pravili su različite modele ćelija od različitih materijala. Nastavnik Semir Tutić je pratilo tok rada, asistirao i na kraju radove ocijenio. Da nikada ovakvim časovima ne dođe kraj i da nastavnik Semir bude uvijek njihov vođa kroz proučavanje ove nauke – jedino je što su učenici zatražili.



30. 10. 2020.

DRUGA SJEDNICA TIMA ZA ZDRASTVENU ZAŠTITU UČENIKA

Članovi Tima za zdrastvenu zaštitu učenika započeli su sjednicu usvajanjem sledećeg *dnevnog reda - Oblast izgradivanje samosvijesti:*

- 1. Razvijanje zdrave ličnosti, motivisanje i osposobljavanje učenika kao aktivnih učesnika u očuvanju svog i tuđeg zdravlja;*
- 2. Praćenje sistematskih pregleda V razred;*
- 3. Ispitivanje faktora koji utiču na navike o pravilnoj ishrani;*
- 4. Formiranje osnovnih stavova u pogledu ishrane;*
- 5. Balansiranje hrane sa energetskim potencijalom.*

Ustanovljeno je da je 10.09.2020. godine Dom zdravlja započeo redovne sistematske preglede za učenike V razreda. Sistematski pregledi se obavljaju u dve ekipe-jedan pedijatar i jedna medicinska sestra. Tokom pregleda pedijatri su pratili težinu, visinu, posmatrali su psihosomatski razvoj djece. Ukoliko se ukazala potreba učenici bi se upućivali kod otorinolaringologa, oftamologa, u laboratoriju, na rengen....

U toku mjeseca se kroz redovnu nastavu učenicima uz pomoć pedagoške službe pomagalo u razvijanju zdrave ličnosti, motivisanju i osposobljavanju učenika kao aktivnih učesnika u očuvanju svog i tuđeg zdravlja. Uz pomoć školskog psihologa i pedijatrijske službe sa učenicima se vršilo ispitivanje faktora koji utiču na navike o pravilnoj ishrani. Kroz redovnu nastavu uticalo se na formiranje osnovnih stavova u pogledu ishrane i balansiranje hrane sa energetskim potencijalom.

Ustanovljeno je da se u školi poštuju sve epidemiološke mjere i da je do 15.10.2020. perioda registrovan jedan učenik iz nižih razreda zaražen virusom Covid 19.

N O V E M B A R

3. 11. 2020. – Posjeta školskoj biblioteci

10. 11. 2020. – Druga sjednica Tima za stručno usavršavanje

12. 11. 2020. – Druga sjednica Tima za vođenje školskog sajta i ljetopisa škole

16. 11. 2020. – Likovna radionica – SLIKARSKI MATERIJALI I TEHNIKE

16. 11. 2020. – Obilježavanje Međunarodnog dana tolerancije

16. 11. 2020. – Sjednica Tima za kulturne i javne djelatnosti

19. 11. 2020. – Jesenji plodovi

21. 11. 2020. – Sjednice odeljenjskih vijeća

26. 11. 2020. – Projekat – POKAŽIMO LICE ŽIVOTNE ZAJEDNICE

27. 11. 2020. – Sjednica Školskog odbora

3. 11. 2020.

PRVACI POSJETILI ŠKOLSKU BIBLIOTEKU

Hladnog novembarskog utorka učenici prvog razreda svojom posjetom školskoj biblioteci učinili su da ona bude najtoplja i najpriyatnija prostorija škole. Upoznavanje sa bibliotekarom, pravilima koja ovdje važe i bogatstvom biblioteke ukazivalo je na to da će bizi njeni redovni i vjerni posjetiocci.



Učenici su prepoznali knjige koje su im roditelji čitali za laku noć, zatim knjige koje su ih vratile u dane predškolskog uzrasta gdje su se sve brige dijelile sa vaspitačicom, a onda romane koje se redovno nađu u šakama starije sestare i brata. Tu su se našli neki od sledećih naslova: *Alisa u zemlji čuda, Pepeljuga, Kroz igru do znanja, Školica, Dino i Dina, Bela griva, Robinzon Kruso, Moj deka je bio trešnja, Prodavac osmijeha, Inspektor vrtnih patuljaka, Ruža, Čekajući Tahira...* Svi su sa oduševljenjem listali knjige, komentarisali i pokazivali sadržaje jedni drugima.

Prvaci su pažljivo slušali bibliotekara i znatiželjno upijali sva pravila sa kojima ih je upoznao. Kroz dalji razgovor sa njim aktivno su učestvovali kako u

postavljanju dodatnih pitanja, tako i u davanju odgovora i potvrdi da su povratnu informaciju odlično shvatili.



Na kraju su dobili članske karte i obećali bibliotekaru i učiteljicama da će redovno pozamljavati, čuvati i vraćati knjige iz školske biblioteke, kako bi ih i ostali drugari mogli koristiti.

10. 11. 2020.

DRUGA SJEDNICA TIMA ZA STRUČNO USAVRŠAVANJE

Druga sjednica Tima za stručno usavršavanje održana je 9. novembra 2020. godine sa početkom u 12h.

Svi članovi tima prisustvovali su ovoj sjednici, a njihov rad bio je posvećen narednim *tačkama dnevnog reda*:

1. *Razmjena iskustava stručnog usavršavanja među zaposlenim;*
2. *Sistem praćenja vrednovanja stručnog usavršavanja – izrada evidencione liste u elektronskoj formi;*
3. *Razno.*

12. 11. 2020.

DRUGA SJEDNICA TIMA ZA VOĐENJE ŠKOLSKOG SAJTA I LJETOPISA ŠKOLE

12. novembra 2020. godine održana je druga sjednica Tima za vođenje školskog sajta i ljetopisa škole. Tačke dnevnog reda ove sjednice su:

1. *Analiza aktivnosti članova Tima;*
2. *Predstavljanje ljetopisa za prethodnu školsku godinu;*
3. *Razno.*

Svaka tačka dnevnog reda detaljno je analizirana.

Sačinjen je plan polugodišnjeg izveštaja Tima i zakazana je prva sjednica u drugom polugođu. Osim toga, prikazan je ljetopis škole i u elektronskoj i stampanoj formi.



16. 11. 2020.

Likovna radionica: SLIKARSKI MATERIJALI I TEHNIKE

Ovih dana učiteljica Nermina Sejdović je sa svojim učenicima četvrтog razreda organizovala likovnu radionicu pod nazivom „Slikarski materijali i tehnike“, što je zapravo predstavljalo sistematizaciju dosadašnjeg rada na časovima likovne kulture.

Cilj časa bio je objediniti priču o slikarskim materijalima i tehnikama. Bilo je obnavljanja slikarske tehnike *KOLAŽ*, *DEKOLAŽ*, *ASAMBALAŽ*. Učenici su kroz njihove rade objasnili način rada ovih slikarskih tehniki.

Različite kompozicije rezultat su upotrebe geometrijskih oblika (krug, trougao, kvadrat, pravougaonik), kao i različitim vrstama linija.

Slikarska tehnika *VAJANJE* odraćena je kroz temu Jesenji plodovi, koristeći plastelin i glinu.

Završni dio časa bio je posvećen izložbi radova, a učenici su bili sami svoji kritičari.



16. 11. 2020.

MEĐUNARODNI DAN TOLERANCIJE

Međunarodni dan tolerancije obilježava se 16. novembra u cijelom svijetu, pa i u našoj školi. Nizom aktivnosti nastavnice srpskog jezika Nejma i Emina Pepić održale su radionice sa učenicima odeljenja VII-4 i V-4 i ukazale na prave vrijednosti međusobne tolerancije. Cilj obeležavanja Dana tolerancije bio je da svi zajedno gradimo kulturu mira i razumijevanja, da radimo na stvaranju otvorenog i tolerantnog društva koje uvažava različitost i svima pruža jednakе šanse i mogućnosti.

Što je tolerancija?

- UNESCO-ova definicija (1995.)
- Poštovanje, prihvatanje i uvažavanje bogatstva različitosti u našim svetskim kulturama, naša forma izražavanja i način da budemo ljudi. Ona je zasnovana na znanju, otvorenosti, komunikaciji i slobodi mišljenja, savesti i uverenju.
- Tolerancija je harmonija u različitostima.



16. 11. 2020.

SJEDNICA TIMA ZA KULTURNE I JAVNE DJELATNOSTI

Druga sjednica Tima za kulturne i javne djelatnosti održana je 16. 9. 2020. god. sa početkom u 15h. Svi članovi ovog Tima prisustvovali su sjednici i u najvećoj mjeri diskutovali su o rezultatu krajnjeg ishoda obilježavanja Međunarodnog dana tolerancije.

Smatra se da je svijest učenika o moralnim i estetskim vidovima ponašanja ovom aktivnošću podignuta na veći nivo. Članovi Tima se uveliko nadaju da će od tog dana učenici znati ne samo smisao riječi *TOLERANCIJA*, već da će živjeti u solidarnosti i slozi.



19. 11. 2020.

J E S E N J I P L O D O V I

Divan jesenji dan, suncem okupan, donio je radost u učionici odeljenja I-3. Čas likovne kulture ulepšale su i pjesmice za djecu. Veseli prvaci su svojim malim ali spretnim rukama oblikovali jesenje plodove koristeći plastelin. Zajedničkim radom uz osmijeh na licu svakog od njih napunila se naša korpa svakojakim voćem i povrćem. U pozadini su se čuli stihovi pjesme „Jesenje pesme“.



21. 11. 2020.

ODRŽANE SJEDNICE ODELJENJSKIH VIJEĆA

Sjednice svih odeljenjskih vijeća održane su 21. 11. 2020. god. Svi razredni starešine i većina predmetnih nastavnika prisustvovala je sjednici. Dnevni red je dat na usvajanje, jednoglasno je usvojen a njegove dopune nije bilo. Sačinjen je od tri sledeće tačke:

- 1. Realizacija svih oblika vaspitno-obrazovnog rada;*
- 2. Analiza uspjeha i discipline učenika;*
- 3. Razno.*

26. 11. 2020.

Projekat: POKAŽIMO LICE ŽIVOTNE ZAJEDNICE

Učenici trećeg razreda, zajedno sa učiteljicom Mersijom Kačapor, u okviru predmeta priroda i društvo imaju imaju nastavnu temu u kojoj detaljno obrađuju životne zajednice. Da bi se postiglo trajnije pamćenje sadržaja i ozbiljna tema približila djeci ovog uzrasta upravo sistematizacija kroz kreativne aktivnosti pomaže u tome. Jedan od ciljeva ovog projekta je da učenici kroz saradnju znanja stečena o životnoj zajednici prenesu na školski pano.



Metode: *demonstrativna, ilustrativna*

Materijalno-tehnička
osnova: *internet, slike, tekstovi, PPT prezentacije, likovni radovi učenika*



27. 11. 2020.

SJEDNICA ŠKOLSKOG ODBORA

Vanredna sjednica Školskog odbora održana je 27. 11. 2020. godine u službenim prostorijama škole sa početkom u 17h. Sjednici su prisustvovali svi članovi Školskog odbora, kao i direktor škole, pomoćnik direktora škole, predstavnici sindikata i predstavnik Učeničkog parlamenta.

D E C E M B A R

- 1. 12. 2020.** – *Sjednica Školskog odbora*
- 2. 12. 2020.** – *Objavljivanje raspored nastave*
- 3. 12. 2020.** – *Objavljivanje izmijenjenog kalendarja vaspitno-obrazovnog rada za školsku 2020/2021. godinu*
- 3. 12. 2020.** – *Obavještenje roditeljima i učenicima o nastavi na daljinu*
- 10. 12. 2020.** – *Treća sjednica Tima za zdravstvenu zaštitu*
- 18. 12. 2020.** – *Uspješan kraj prvog polugodišta školske 2020/2021. godine*
- 23. 12. 2020.** – *Sjednice odeljenjskih vijeća*
- 24. 12. 2020.** – *Roditeljski sastanak*
- 30. 12. 2020.** – *Sjednica Nastavničkog vijeća*

1. 12. 2020.

SJEDNICA ŠKOLSKOG ODBORA

Prvog decembarskog dana 2020. godine održana je sjednica Školskog odbora. Sastanku su prisustvovali Šaha Hot – predsjednik Školskog odbora, kao i njegovi sledeći članovi:

Rasim Beširović, Nevena Milunović, Dzevad Jusufović, Edin Ramović, Rifat Smailagić, Mehđija Pućurica, Jonuz Kurtović i Delila Šemović.

Također, predstavnik sindikata Hilmija Sejdović prisustvovao je sjednici, kao i direktorica škole.

2. 1. 2020.

OBJAVLJIVANJE RASPOREDA NASTAVE

Svi nastavni sadržaji, u skladu sa programom nastave, prikazivaće se prema prethodno utvrđenom rasporedu.

Tim profesora razredne i predmetne nastave koji funkcionira u okviru BNV-a i ovog puta nastavne sadržaje, za sve učenike koji pohađaju nastavu na bosanskom maternjem jeziku, priprema nastavne sadržaje i objavljuje na zvaničnoj stranici BNV-a, youtube kanalu BNV-a. Sadržaji se emituju i na kanalu Regionalne televizije.

Za učenike prvog ciklusa osnovnog obrazovanja i vaspitanja (I-IV razred) svi obrazovni sadržaji se emituju putem multimedijске platforme RTS Planeta, a dostupni su i preuzimanjem besplatne aprilakcije na veb stranici mojaskola.rtsplaneta.rs. Na muldijskoh internet platformi RTS Planeta svi zainteresovani učenici, roditelji i nastavnici mogu naknadno da pogledaju nastavne sadržaje koje su propustili.

Za učenike drugog ciklusa osnovnog obrazovanja (V-VII razred) svi obrazovni sadržaji se emituju putem javnog medijskog servisa RTS na kanalima RTS 2 i RTS 3. Nastava za učenike petog razreda biće emitovana na kanalu RTS2 sa početkom u 8:00 časova, dok će se nastava za učenike VI-VIII razreda emitovati na kanalu RTS 3 sa početkom u 8:00 časova.

Također, sve nastavne jedinice se emituju i putem multimedijске platforme RTS Planeta, a dostupni su i preuzimanjem besplatne aplikacije *RTS Moja škola* za mobilne telefone i tablete, zatim na sajtu RTS-a i na veb stranici mojaskola.rtsplaneta.rs.

3. 12. 2020.

OBAVJEŠTENJE RODITELJIMA I UČENICIMA O NASTAVI NA DALJINU

S obzirom na to da je Vlada Republike Srbije donijela uredbu o Dopuni uredbe o mjerama za sprečavanje i suzbijanje zarazne bolesti Covid 19 i da je kalendar obrazovno-vaspitnih osnovnih škola usklađen sa istom, a u cilju očuvanja zdravlja učenika i zaposlenih. OŠ „Vuk Karadžić“, kao i ostale osnovne škole, dobila Upustvo za organizaciju rada i završetka prvog polugodišta 2020/2021. godine.

Promjena kalendarja obrazovno-vaspitnog rada ogleda se u sledećem:

- *Prvo polugodište se završava 18. decembra 2020. godine;*
- *Zimski raspust traje od 18. decembra 2020. god. do 15. januara 2021. god.;*
- *Drugo polugodište počinje 18. januara 2021. god.;*
- *U prvom ciklusu osnovne škole (I-IV razred) nastavlja se neposredni obrazovno-vaspitni rad prema izabranom modelu organizacije nastave u okviru postojećeg operativnog plana rada škole;*
- *U drugom ciklusu (V-VIII razred) obrazovno-vaspitni rad ostvariće se putem nastave na daljinu koristeći gugl učionice.*

Direktor i stručni saradnici pratice nastavu, njeno kontinuirano održavanje i kvalitet, a nastavnici i razredne starešine blagovremeno će obavještavati učenike i roditelje o organizaciji nastave i drugim obavezama. Takođe, podsjećamo učenike da u komunikaciji putem Google učionice poštuju pravila pristojne komunikacije.

Kod svih metoda ocjenjivanja insistiraće se na bitnim sadržajima i aktivnostima, tj. onima koji su ključni za ostvarivanje ishoda nastavih predmeta.

Nastavnici će odlučiti o tome da li će se pismenici zadaci, planirani za naredni period, mogu realizirati putem nastave na daljinu. Ako to nije moguće ovaj čas će se realizirati u drugom polugodištu, s tim da će se prilikom planiranja voditi računa o ravnomjernom rasporedu pismenih i kontrolnih provjera. Izmjenama i dopunama Pravilnika o ocjenjivanju učenika u osnovnoj školi data je mogućnost da broj ocjena može biti manji od četiri, odnosno manji od dva ukoliko je nedeljni fond časova dva.

Pri izvođenju zaključne ocjene za prvo polugodište uzeće se u obzir sve ocjene kako tokom nastave po kombinovanom modelu, tako i tokom nastave na daljinu. Uzeće se u obzir i pokazne aktivnosti u radu i vježbanju, kao i redovnost u izradi domaćih zadataka i pokazana odgovornost u radu tokom nastave na daljinu. Zaključna ocjena će, u skladu sa Pravilnikom o ocjenjivanju, biti javna i obrazložena.

Ukoliko učenici smatraju da ima elemenata za bolju zaključnu ocjenu, mogu u dogовору са наставником да одговарају у школи уз поштовање свих мјера.

Ako učenik nema ocjene jer iz opravdanih razloga (bolest, izolacija...) nije mogao odgovarati, može biti neocijenjen i za njega neće biti izведен opći uspjeh na kraju prvog polugodišta. U drugom polugodištu će se posebno isplanirati rad sa ovom kategorijom učenika.

U evidenciji prisustva učenika evidentiraće se oni učenici koji nisu učestvovali u radu na času putem nastave na daljinu.

Molimo Vas da svjesno i odgovorno pristupimo kvalitetnoj organizaciji nastavnog procesa koja je od zajedničkog interesa za učesnike, a posebno za učenike. Razlozi za ovakav rad će proći, ostaće stečena znanja koja u daljem životu moraju imati posebnu vrijednost.

3. 12. 2020.

OBJAVLJIVANJE IZMIJENJENOG KALENDARA VASPITNO-OBRZOVNOG RADA ZA ŠKOLSKU 2020/2021. GODINU

Na sajtu OŠ „Vuk Karadžić“, zvaničnoj fb stranici, oglasnoj tabli škole i u ljetopisu objavljen je izmijenjen kalendar rada za školsku 2020/2021. godinu, i izgleda ovako:

Страна 2 – Број 18

Гласник

ПРОСВЕТНИ ГЛАСНИК

2. децембар 2020.

**ТАБЕЛАРНИ ПРЕГЛЕД КАЛЕНДАРА ОБРАЗОВНО-ВАСПИТИНГО РАДА
ОСНОВНЕ ШКОЛЕ ЗА ШКОЛСКУ 2020/2021. ГОДИНУ**

Прво полуодише

M	РН	П	У	С	Ч	П	С	Н
Септемвр		1.	2	3	4	5	6	
		2.	7	8	9	10	11	12
		3.	14	15	16	17	18	19
		4.	21	22	23	24	25	26
		5.	28*	29	30			
Октобар					1	2	3	4
		6.	5	6	7	8	9	10
		7.	12	13	14	15	16	17
		8.	19	20	21	22	23	24
		9.	26	27	28	29	30	31
Новемвр							1	
		10.	2	3	4	5	6	7
		11.	9	10	11	12	13	14
		12.	16	17	18	19	20	21
		13.	23	24	25	26	27	28
		14.	30					
Декемвр					1	2	3	4
		15.	7	8	9	10	11	12
		16.	14	15	16	17	18	19
			21	22	23	24	25*	26
			28	29	30	31		

Укупно наставних дана: 76

Легенда:

- Државни празници * – Верски празници
- – Наставни дани □ – Празници кој се обележавају ради наставних дана
- – Број наставних дана у месецу
- – Школски распуст, ненаставни или нерадни дани
- – Радни дани (Свети Сава и Видовдан)
- – Завршетак наставе на крају првог и другог полуодиша
- – Дани резервисани за поплагње проблемог и завршног испита
- – Дани предвиђени за републичка такмичења у Тршићу и Виминацијуму

Друго полуодише

M	РН	П	У	С	Ч	П	С	Н
Јануар						1	2	3
			4	5	6	7*	8	9
			11	12	13	14	15	16
		17.	18	19	20	21	22	23
		18.	25	26	27	28	29	30
Фебруар						31		
		19.	1	2	3	4	5	6
		20.	8	9	10	11	12	13
		21.	15	16	17	18	19	20
		22.	23	24	25	26	27	28
Март						1	2	3
		23.	1	2	3	4	5	6
		24.	8	9	10	11	12	13
		25.	15	16	17	18	19	20
		26.	22	23	24	25	26	27
		27.	29	30	31			
Април						1	2*	3*
		28.	5*	6	7	8	9	10
		29.	12	13	14	15	16	17
		30.	19	20	21	22	23	24
		31.	26	27	28	29	30*	
Мај						1*	2*	
			3*	4	5	6	7	8
		32.	10	11	12	13*	14	15
		33.	17	18	19	20	21	22
		34.	24*	25	26	27	28	29
		35.	31					
Јун						1	2	3
		36.	7	8	9	10	11	12
		37.	14	15	16	17	18	19
		38.	21	22	23	24	25*	26
			28	29	30			

Укупно наставних дана: 103

10. 12. 2020.

TREĆA SJEDNICA TIMA ZA ZDRASTVENU ZAŠTITU UČENIKA

Treća sjednica Tima za zdrastvenu zaštitu učenika održana je online. Svi članovi su pristupili vezi, i diskutovali o narednim tačkama dnevnog reda:

1. Podsticaj pozitivnog odnosa prema zdravim stilovima života;
2. Praćenje redovne vakcinacije učenika VII razreda;
3. Praćenje broja zaraženih u školi virusom Covid 19.

18. 12. 2020.

USPJEŠAN KRAJ PRVOG POLUGODIŠTA ŠKOLSKE 2020/2021. GODINE

Za učenike osnovnih i srednjih škola u cijeloj Srbiji sutra počinje zimski raspust. Đaci će drugo polugodište započeti 18. januara 2021. god.

Zajedničkim radom i zalaganjem učenika, nastavnika i roditelja nastava prvog polugodišta u našoj školi završena je uspješno, uprkos problemima u novonastaloj situaciji. Učenici su pokazali odgovornost pri online nastavi, a nastavnici uložili maksimalan trud kako djeca ne bi bile uskraćene ni nasitnije informacije.

Školska godina započela je po posebnim mjerama koje je propisalo Ministarstvo prosvjete. Maske su bile obavezne za sve, a učenici odeljenja mlađih razreda podijeljeni u dvije grupe, dok su stariji osnovci jedan dan išli u školu a drugi pratili online nastavu. Taj model zadržan je do 27. novembra, kada su stariji osnovci i srednjoškolci sasvim prebačeni na online nastavu, a u učionice su išli samo mlađi osnovci.

23. 12. 2020.

SJEDNICE ODELJENJSKIH VIJEĆA

Zbog trenutne epidemiološke situacije sastanci Odeljenjskih vijeća održani su putem aplikacije Google meet.

Rukovodiocima vijeća dostavljeni su podaci o uspjehu, disciplini i izostancima učenika na nivou odeljenja.

Dnevni red sjednice bio je:

- 1. Analiza uspjeha i discipline na kraju prvog polugodišta;*
- 2. Prisutnost učenika na online nastavi;*
- 3. Teškoće u realizaciji nastave putem platforme Google Classroom;*
- 4. Razno.*

Sjednicama su prisustvovali svi rukovodioci vijeća, razredni starešine, učitelji i učiteljice, većina predmetnih nastavnika i pedagog škole Eltida Aličković.

24. 12. 2020.

RODITELJSKI SASTANAK

Zbog trenutne epidemiološke situacije nije bilo moguće održati roditeljski sastanak u standardnom obliku, već je on realiziran telefonskim putem. Roditeljima je saopšten uspjeh njihove djece za kraj I prolugodja. Bilo je i riječi o mogućim modelima izvođenja nastave u narednom polugodlu.

Učenicima mlađih razreda podijeljene su đačke knjižice poslednjeg radnog dana u I polugodju.

Roditelji učenika starijih razreda iznijeli su i svoja zapažanja o online nastavi.

30. 12. 2020.

SJEDNICA NASTAVNIČKOG VIJEĆA

Uz poštovanje svih epidemiloških mjera održana je posebna sjednica Nastavničkog vijeća za davanje mišljenja o izboru direktora škole u IO Dubovu, sa početkom u 13h.